



# Synfocity = 844

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

June 9, 2022

## □ *Synod Executive Committee vawi 297-na*

Mizoram Presbyterian Kohhran hnuaiia Committee sang ber, Synod Executive Committee Vawi 297-na, June 7 - 9, 2022 chung hian J.M. Lloyd Hall, Synod Office-ah an ðu a, member 141 an kal.

Committee hi Rev. Dr. Vanlalngbaka Ralte, Synod Moderator-in a kaihhruai a, Synod Secretary report, Finance Officer report leh Audit Report te ngaihthlak a ni a. Annual Statement of Account thlirho a ni bawk. Hemi zawh hian Committee member ruat thar leh inthlakna hun hman a ni.

Rev. Z.D. Lalhmachhuana, Synod Secretary hnen aþangin report ngaihthlak a ni a, Synod Service Rules 2022 chu Synod hnuaiia Department hrang hrang hotuten zir hona hun Synod Office-ah an buatsaih thu te, Synod Inkhawmpui 2021, Gen. 68-in a rel angin Synod Moderator, Rev. Dr. Vanlalngbaka Ralte-in Church Court 2 - Calcutta Mission Field (April 9, 2022) leh Jharkhand Mission Field (April 11, 2022) khan a hawn thu te, Synod Auditor-ten Synod sum te tluang takin an audit thu te, Myanmar ram buai avanga Mizorama raltlante khawchhak tlangdunga Pastor Bial 9 te huam chhunga chungkua 1418 hnenah Mizoram Synod hmingin ðanpuina Rs. 20,00,000/- pek a nih thu te, Covid-19 Relief atan CWM aþanga sum hmuh chu khaw puma hri kai 2, Bawlte leh Hmawngkawn hnenah pek an nih thu te, Kum 2021 Synod Thurel 70-na angin Manipur Synod leh Zou Synod-te chu thawhdunna thuthlung (Partnership Agreement) ziah thar pui an nih thu te, PCI 44th Biennial General Assembly chu Umroi Kohhran Biak In, Ri-bhoi Synod-ah April 27 - May 1, 2022 chung khan neih niin Mizoram Synod aþangin palai 135 an kal thu leh Puipate zingah Rev. Dr. K. Lallawmzuala, Executive Secretary chu Secretary (Sr.) a nih thu te, PCI 45th Biennial General Assembly chu May 2-5, 2024-ah Mizoram Synod-in an thlen tur thu te.

KTP General Conference vawi 59-na chu Kolasib Diakkawn Field-ah May 5-8, 2022 khan tluang taka neih niin Rorel palai 1076 leh palai kal 9015 an awm thu te, FG & CC Counsellor, Rev. Sairengpui Sairo (kum 55) chu Kidney Cancer avangin May 3, 2022 khan a thi a, an khua Kolasib Venglai Kohhranah Synod Moderator, Rev. Dr. Vanlalngbaka Ralte-in a vui thu te, May 20, 2022 khan NEICC 79th Session, Barapani, Meghalaya-a neihah Mizoram Synod aiawhin Rev. Dr. C. Lalhlira, Rev. B. Sangthanga, Pi K. Lalliantluangi leh Dr. T. Vanlaltlani te an kal thu te, Mizoram Presbyterian Kohhran Hmeichhe Rorel Inkhawm vawi 11-na chu May 26, 2022 khan Mission Veng Kohhran Biak Inah neih niin palai 280 an kal thu te, Pastor kum 2022 April-a zirzo panga (5) te chu May 29, 2022 khan Induction neihpui an nih thu te, February 19, 2022 aþanga March 20, 2022 thleng Synod Revival Speaker-ten Aizawl dai velah ruihhlo ngai leh zuin mite hnena rawngbawlina (Operation Nehemia) tluang tak an neihpui thu te.

Mizoram Christian College (MCC) Principal Rev. Dr. Lalchungnunga chuan June 1, 2022 khan Principal thar Upa Dr. Tawnenga hnenah mawhphurhna a hlan thu te, Synod 2021 Gen. 1-na rorel kal zelah OM chuan Kohhran harsa 102 thlang chhuakin an mahni dawm chhuak tur Kohhran lian 102 a thlan chhuahten ða taka an bawhzui thu te, SEC 296 leh 297 inkarah Synod Relief fund aþangin harsatna tuar mi hrang hrangte hnenah ðanpuina Rs. 42,43,000/- pek a nih thu te leh SEC 296 leh 297 inkarah Revocation Certificate (RC) 101 leh Re-marriage License (RL) 283 pek a nih thu te chu report langsar zualte an ni.

Tun ðum SEC-a thurel tur chhawpchuah 57 a awm a, Myanmar raltlante lo dawnawm dan tur chungchang te, Synod Hospital-a Visiting Consultant Doctor neih dan Policy dilna te, Bible Ralchhan School, ATC-a sawn rawtna te, Synod Hospital kum 100-na (Centenary) lawm leh a puala project neih chungchang te, Khmer ðawnga Naupang Sunday School zirilaibu siam rawtna te, Presbyterian English School Manual enþhat chungchang te, Pastor Pension-te Politics-a an inhman dan tur kaihhruaina te, Missionary lak dan enþhat chungchang te, Kohhran Hmathlir Research base-a neih rawtna te, Pay Commission din chungchang te, Synod Mission Board hnuaiia Contract Missionary-te chungchang zir chianna leh rawtna te, Cachar Tlangrama thawktute chungchang te, Synod Archives Document Cloud Storage-a dah chungchang te leh Synfo Department enþhatna te chu a langsar zualte an ni.

☐ **Synod Mission Board leh ram pawn chet velna**

◆ **Evangelist Orientation Class**

June 7 - 11, 2022 chhung hian Masihi Sangati hnuaiia Evangelist hna thawk tura lak thar mi 8 te tan Orientation Class neih a ni.

Orientation Class neih chhung hian thupui hrang hrang - Worship & Preaching, Christian theology & Ethics, Thuawihna leh Inpumkhatna, Evangelist as Teacher, Cross Culture Evangelism, Masihi Sangati Evangelist Life, Church Relation & Church Court tih te zir a ni a, heng thupui te hi mi thiam hrang hrangin an zirtir a ni.

Heng Evangelist lak thar te hi June 12, 2022 (Pathianni) chawhnu hian Mashi Sangati Kendra Chapel, Bawngkawn-ah tihchhuahna hun hman a ni ang. Tihchhuah programme hi Synod Mission Board Secretary Rev. R. Lalhmingsanga'n a kaihruai ang a, Rev. Dr. K. Lallawmzuala, Executive Secretary i/c Mission-in tihchhuahna a nei ang a, Pathian thuchah a sawi nghal ang. Upa Lalzamliaana, BEC member-in tawngtaisakna a nei ang a, Synod Mission Choir te an zai bawk ang.

Evangelist lak tharte hi hetiang hian an awmna tur siamrem nghal a ni:

**Hming**

1. Michael H. Lalremsanga
2. James C. Lalhmachhuana
3. Lalnunhlina
4. Jagadish Kalai
5. Baby Vanlalrengpuii
6. H. Vanneihisanga
7. H. Lalrinmawia
8. Lalruatlawma

**Awmna tur**

- Gorkha Gospel Team, Aizawl  
 Phainuam Pastor Bial  
 Rengdil Kohhran  
 Lunglei Gospel Team  
 Barapani, Meghalaya  
 Lunglei Gospel Team  
 Champhai Kohhran  
 Thenzawl Vengthlang Pastor Bial

◆ **Masihi Sangati**

June 5, 2022 (Pathianni) khan Chawnpui Vengthlanga Ebenezer Hospital building satu te leh a chheh vela hnamdang awmte hnenah Gorkha Gospel Team, Vaivakawn Masihi Sangati, Chawnpui Vengthlang Masihi Sangati leh Evangelist 4 ten rawngbawlina an nei a, mi 22 Lal Isua zui turin an inpe.

Bairabi Pastor Bial chhunga Hnamdang awmte pualin May 30 - June 5, 2022 chhung khan Synod Gospel Team-ten Crusade neiin rawngbawlina an nei a, ringlo mi 144 hnenah Pathian thu hrilh niin chung zing atang chuan mi 32 Lal Isua zui turin an inpe a. Crusade atan hian Bairabi Kohhran ten Rs. 10,000/- an pe bawk.

◆ **Assam Mission Field**

June 5, 2022 (Pathianni) khan ringthar 2 Lal Isua zui turin an inpe.

◆ **Nepal Mission Field**

June 5, 2022 (Pathianni) khan ringthar 3 Lal Isua zui turin an inpe.

☐ **Worship**

June 8 & 9, 2022 khan Zokhawthar Bialah Solfa Training neihpuiin Pu C. Zirlianthanga, Music Instructor leh Tv. Lalawmpuia, Republic Veng te an kal.

☐ **MSSU**

◆ June 11, 2022 (Inrinni) hian Laipuitlang Kohhran Hall-ah Sunday Naupang zirtirtu training neihpui turin Pu Lalhmunzauva Tlau, Asst. Coordinator leh trainer -te Upa F. Lalenghluna leh Upa Hrilthansanga te an kal ang.

◆ June 11, 2022 (Inrinni) hian Mualvum Kohhran Hall-ah Naupang Sunday School zirtirtu training neihpui turin Pu HK Hmingthanzuala, Asst. Coordinator leh trainer te Upa Lalrosanga Kawlni leh T. Upa Lalthanchhunga te an kal ang.

☐ **Finance**

June 12, 2022 (Pathianni) chawhnu leh zan hian Sakawrtuichhun Bialah Finance Campaign nei turin Campaigner- te Rev. P.C Pachhunga, Rev. R. Lalengzauva, Upa H. Zoliana leh Upa Lalrosanga Kawlni te an kal ang.

☐ **Social Front**

June 12, 2022 (Pathianni) chawhnu hian Dawrpui Kohhran Tleirawl inkhawmah Zuk leh hmuam leh Zu leh Ruihhlo that lohzia awareness campaign nei turin T. Upa K. Lalengzauva a kal ang.

- ☐ **Hruaina Eng FM Radio :**  
**JUNE 10, 2022 (Zirtawpni) (FM Zoawi - Aizawl & Lunglei @ 7:30 p.m.):**  
**Solo** : Rebek Vanlalpeki Sailo - Kristian Chhungkua  
**Zaipawl** : East Phaileng Bial Zaipawl -Sualin ka lo thi ta a  
**Thusawi** : Upa B. Lalhmunliana - Chhungkaw nuam  
**Solo** : R. Lalramchhana - Min siamthar leh rawh  
**Zaipawl** : Chaltlang Kohhran Zaipawl - Tuihal rehna
- ☐ **Susamachar Prasaran Programme :**  
**JUNE 12, 2022 (Pathianni) 5:00 pm. :**  
**Group/Choir/Solo** : Hamren Pastorate Choir - Vang thu tha  
**Group/Choir/Solo** : Luangmual Vengthlang - Bondhu re  
**Sermon** : Rev. J.C. Lalramliana - Jisu Jibona Jyoti  
**Group/Choir/Solo** : Jubilee Kohhran - Hijo Aja  
**Group/Choir/Solo** : Aizawl West Area Choir - Bharat Desh Mahan
- ☐ **Moderator leh Executive Secretary-te Programme:**  
**Rev. Dr. Vanlalnghaka Ralte : Moderator**  
 June 12, 2022 Saron Veng Kohhran - Chawhnu  
 June 13, 2022 Meeting - OM leh Former Legislature Association Mizoram (FLAM)  
 June 16, 2022 OM
- Rev. C. Zoramawia : Senior Executive Secretary**  
 Damlohna avangin In lamah enkawl a ni.
- Rev. V.L. Luaia Hranleh : Executive Secretary**  
 June 13, 2022 Meeting - OM leh Former Legislature Association Mizoram (FLAM),  
 & MSSU programme  
 June 16, 2022 OM  
 June 17 - 19, 2022 Retreat Bungtlang Bial
- Rev. Dr. K. Lallawmzuala : Executive Secretary**  
 June 10, 2022 PES programme, Mamit  
 June 13, 2022 Meeting - OM leh Former Legislature Association Mizoram (FLAM)  
 June 14, 2022 MTC Governing Board  
 June 16, 2022 OM  
 June 17, 2022 PES programme

**PATHIAN THU ZIR DUH TAN**

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs. 10/- a lei theih a ni  
 Dil hun chhung : August 23, 2022 (Thawhlejni) tlai dar 3:00 thleng  
 Dil thei chin : Class VII passed, kum 16 chin, Kohhran dan chhunga awm  
 Interview : August 30, 2022 (Thawhlejni) chawhma dar 10:00  
 Class tan hun : September 6, 2022 (Thawhlejni)  
 Zir hun chhung : September - December, 2022

Hrechiang duh tan Phone No. **0389-2317343/8974613378**-ah zawhfiah theih a ni.

**Sd/-**  
 Rev. Lalrinsanga  
 Principal  
 Presbyterian Bible School

## MIZORAM CHRISTIAN COLLEGE ADMISSION

Kum 2022-2023 session atan Under Graduate course hrang hrangah admission hawn a ni e :

1. BA (English, Mizo, Political Science, Public Administration, Sociology)
2. B.Com
3. BBA

Admission form hi college - website [www.mizoramchristiancollege.org](http://www.mizoramchristiancollege.org)-ah download theih a ni ang.  
Hrechiang duh tan Phone No : 9612568456/8575948332/9612688838-ah te zawh fiah theih a ni e.

Sd/-

Upa Dr. Tawnenga  
Principal  
Mizoram Christian College

## MASIHI SANGATI KENDRA EVANGELIST TIRHCHHUAH PROGRAMME

A hmun : Masihi Sangati Kendra Chapel, Bawngkawm  
A hun : 12.6.2022 (Pathianni), chawhnu dar 1:30

Chairman	: Rev. R. Lalhmingsanga, Secretary, SMB
Hla	: Stuti Geet No. 29 - Jay Jay Prabhu Ki
Introduction	: Upa Lalbiakenga Fanai, Coordinator, SMB
Zaipawl	: Synod Mission Choir
Tirhchhuah leh thuchah	: Rev. Dr. K. Lallawmzuala, Executive Secretary i/c Mission
Tawnngtaisakna	: Upa Lalzamliaana, BEC
Vote of Thanks	: Rev. Zochhuanmawia, Director, MSK
Zaipawl	: Synod Mission Choir
Hla	: Stuti Geet No. 63 - Chardin ki Jindagi hai
Malsawmna	: Rev. F. Lalrinnunga, BEC

## SYNOD BOOKROOM BOOK NEWS FOR THE MONTH OF JUNE 2022

1. <b>Thianglimna Kawng:</b>	Upa Dr. C. Lalrawna lehlin	Rs. 200/-
2. <b>Mizote Tan Nun Kawng Dik:</b>	Social Front Committee	Rs. 150/-
3. <b>Kohhran Dictionary:</b>	Rev. Vanlalchhunga	Rs. 500/-
4. <b>Phum Tura Hriak Thih:</b>	Rev. H.L. Thianghlina lehlin	Rs. 250/-
5. <b>Hriat Loh Pathian Tan:</b>	L.R. Colney	Rs. 300/-
6. <b>El-Bethel:</b>	Upa L. Biakchhunga	Rs. 150/-
7. <b>Manna:</b>	Rev. Lalhmuakpuia	Rs. 150/-
8. <b>In Chungkua In Dam Tlang Em?:</b>	R. Vanlalzauva	Rs. 150/-
9. <b>Khawtlang Nun Hruaina:</b>	Social Front Committee	Rs. 100/-
10. <b>Phek Khat:</b>	One Vission Gospel Media	Rs. 150/-
11. <b>Ramthar Tawnhriat:</b>	R. Lalchhanhima	Rs. 200/-
12. <b>Chanchin Tha Johana Ziak Zirna:</b>	Commissioner Lalkiamlova	Rs. 200/-
13. <b>Khawngaihna Hlir:</b>	Rev. C. Chawngliana	Rs. 200/-
14. <b>Dam Lai Thlan Thim:</b>	Lalrammawia Ngente	Rs. 200/-
15. <b>Kawng Chhuk Chho:</b>	Rema Chhakchhuak	Rs. 300/-
16. <b>Jack Ma leh Zelensky:</b>	Danny H. Lalramenga	Rs. 100/-
17. <b>Fangfar:</b>	Rohmingthanga Ralte	Rs. 300/-
18. <b>C. Dinthanga Hlate:</b>	C. Dinthanga	Rs. 150/-
19. <b>Lailen:</b>	Sangzuala Pachuau	Rs. 180/-
20. <b>Zawlpala Thlan Tlang:</b>	Khawlkungi	Rs. 250/-
21. <b>Lalvunga:</b>	Sangzuala Pachuau	Rs. 150/-